

**BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO
TUZLANSKOG KANTONA
Broj: A-379/26
Tuzla, 16.09.2026.godine**

Na osnovu člana 33. stav 6. Zakona o Kantonalnom tužilaštvu Tuzlanskog kantona („Službene novine Tuzlanskog kantona“ broj 12/02, 6/03 i 22/21), člana 34. Zakona o radu u Federacije Bosne i Hercegovine („Službene novine Federacije Bosne i Hercegovine“ broj 26/16, 89/18, 23/20 - odluka US, 49/21 - dr. zakon, 103/21 - dr. zakon i 44/22), a u skladu sa Odlukom Vlade Tuzlanskog kantona broj: 02/1-30-27-1/26 od 30.07.2026.godine, glavni kantonalni tužitelj raspisuje:

**JAVNI OGLAS
za prijem pripravnika-volontera u Kantonalnom tužilaštvu Tuzlanskog kantona**

I

Raspisuje se oglas **za prijem 7 (sedam) diplomiranih pravnika u svojstvu pripravnika-volontera** za potrebe Kantonalnog tužilaštva Tuzlanskog kantona na period od **2 (dvije) godine**, bez zasnivanja radnog odnosa, a radi stručnog osposobljavanja za samostalan rad na poslovima svoje struke i sticanja potrebnog radnog iskustva.

II

Zaključiti će se Ugovor o stručnom osposobljavanju u pismenoj formi, između Glavnog kantonalnog tužitelja i pripravnika-volontera.

Po završetku stručnog osposobljavanja Glavni kantonalni tužitelj će pripravniku-volonteru **izdati uvjerenje o obavljenom stručnom osposobljavanju.**

III

Pripravnik –volonter koji obavlja volonterski rad ima pravo na naknadu u visini od 35% plate stručnog saradnika u Kantonalnom tužilaštvu Tuzlanskog kantona, shodno članu 39. Zakona o plaćama i naknadama u organima vlasti Tuzlanskog kantona, uz uplatu pripadajućih doprinosa u skladu sa važećim propisima.

IV

Svi kandidati koji se prijavljuju na javni oglas treba da ispunjavaju opće uslove za rad u pravosudnim institucijama (Tužilaštvu) i to:

- da je državljanin Bosne i Hercegovine
- da je stariji od 18 godina
- da ima opću zdravstvenu sposobnost

V

Pored općih uslova kandidati treba da ispunjavaju i poseban uslov:

- da je diplomirani pravnik, Visoke stručne spreme- VII stepen ili da ima visoko obrazovanje prvog, drugog ili trećeg Bolonjskog sistema studiranja- pravne struke koji je vrednovan sa najmanje 240 ECTS bodova

VI

Uz prijavu je potrebno priložiti:

- diploma o završenom fakultetu
- kopija lične karte ili potvrdu o prebivalištu (CIPS)
- prosjek ocjena završenog studija (uvjerenje od fakulteta)
- dokaz o dužini trajanja nezaposlenosti (uvjerenje nadležne Službe za zapošljavanje)
- dokaz o pripadnosti boračkoj populaciji

Sve dokumente treba predati u originalu ili ovjerenoj fotokopiji.

Kandidati koju budu izabrani za pripravnike-volontere uvjerenje o zdravstvenoj sposobnosti moraju dostaviti najkasnije do zaključivanja Ugovora o stručnom osposobljavanju.

VII

Sa kandidatima koji ispunjavaju opće i posebne uslove iz ovog oglasa obaviti će se intervju i bodovanje u skladu sa Odlukom o utvrđivanju kriterija, postupku izbora i prijema volontera – diplomiranih pravnika.

VIII

Prijave sa navedenom dokumentacijom kojom se dokazuje da kandidat ispunjava opće i posebne uslove dostavljaju se Kantonalnom tužilaštvu Tuzlanskog kantona, Maršala Tita broj 137 Tuzla, putem pošte ili lično u prijemnoj kancelariji Tužilaštva u zatvorenoj koverti sa naznakom **“Za Javni oglas za prijem pripravnika-volontera u Kantonalnom tužilaštvu Tuzlanskog kantona- ne otvarati”** u roku od 15 dana od dana objavljivanja javnog oglasa na web stranici.

Nakon isteka roka za stručno osposobljavanje Kantonalno tužilaštvo Tuzlanskog kantona **se ne obavezuje zadržati pripravnike-volontere u stalnom radnom odnosu .**

Javni oglas će biti objavljen na **web stranici** Kantonalnog tužilaštva Tuzlanskog kantona i dostavljen na objavu nadležnoj Službi za zapošljavanje.

Nepotpune i neblagovremene prijave neće biti uzete u razmatranje .

O rezultatima Javnog oglasa kandidati će biti pismeno obaviješteni .

